

quitatem & violentiam, in adibus suis, id est, opes, per iniquitatem & violentiam partas.

Ose. 4. Sacerdotes peccata populi mei comedunt, & iniquitate eorum delectantur. Per peccata hic intelliguntur sacrificia peccatorum causa oblata.

Mich. 7. Iram Domini portabo, id est, pœnam à Domino impositam.

Matth. 27. Sanguis eius veniat super nos & filios nostros, id est, sanguinis iniuste effusi pœna.

Luc. 16. Habent Mosen & Prophetas, illos audiant, id est, habent historiam Mosaicam & oracula Prophetica.

1. Cor. 14. Cum sectatores sitis Spirituum, omnia ad edificationem Ecclesie facite, id est, donorum Spiritus.

1. Cor. 13. Spiritus Prophetarum Prophetis subiecti sunt, id est, dogmata seu interpretationes scripturae ab aliis Doctoribus corrigi possunt.

2. Cor. 3. Hodie cum legitur Moyles (lex à Mose tradita) velamen super cordibus eorum positum.

1. Pet. 4. Iudicium à domo Dei incipit, id est, pœna seu castigatio (quæ iudicium tanquam causam sequuntur) incipit ab Ecclesia Dei.

Cicero pro Milone. Principum munus esse ducebat resistere levitati, id est, tumultibus ex levitate animi perfectis.

Pro Marcel. Quos amisimus cives, eos Martis vis percussit, non ira victoriae Martis, id est, praelii.

Virg. 1. Eclog. De cœlo taedas memini predicere quercus, Hic cœlum pro aère, & aër pro tempestate aëris duplici Metonymia sumitur.

Eclog. 3. Parta mea Veneri sunt munera, id est, amasiae vel amicae.

Eclog. 5. Et multo inprimis hilarans convivium Baccho, id est, vino.

Eclog. 6. — Nec Phœbo gratior illa est, quam sibi quæ Vari prescripsit pagina nomen, id est, doctis.

Eclog. 9. Cantando puerum memini me condere soles, id est, dies, quia dies est mensura solaris motus, seu solis effectum est.